



Broj: 07-03-SI/15  
Sarajevo, 14.05.2015. godine

SUADA  
19.05.2015  
Alcin

## SKUPŠTINA KANTONA SARAJEVO

**PREDMET:** Dostava obavještenja

U vezi sa zaključkom Skupštine Kantona Sarajevo broj: 01-05-2901-1/15 od 23.03.2015. godine, u prilogu akta dostavljamo Vam kopiju obavještenja Ureda za reviziju institucija u Federaciji BiH broj: 11-14-405-2/15 od 12.05.2015. godine.

S poštovanjem,

**MINISTAR**  
*[Signature]*  
**Dr Muharem Šabić**

Dostavljeno:

1. Naslovu
2. Evidenciji
3. a/a



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



BOSNA I HERCEGOVINA  
FEDERACIJA BOSNE I HERCEGOVINE  
URED ZA REVIZIJU INSTITUCIJA U FBiH  
SARAJEVO



Ložionička 3, 71000 Sarajevo, Tel: + 387 (0)33 723 550, Fax: 716 400, www. vrfbih.ba, e-mail: urrevfed@bih.net.ba, vrfbih@vrfbih.ba

Sarajevo, 12. 05. 2015. godine

Broj: 11-14-405-2/15

BOSNA I HERCEGOVINE  
FEDERACIJA BOSNE I HERCEGOVINE  
KANTON SARAJEVO  
MINISTARSTVO PRIVREDE  
N/p Ministra

446/15  
Prostovoljni  
Skupštini KS.  
funk.

Sarajevo

**Predmet: Veza Vaši akti broj: 07-26-7984 od 28.04.2015. godine**  
**07-05-05-2901-1/15 od 28.04.2015.godine**  
**07-24-7983 od 28.04.2015. godine**  
**07-24-7982 od 28.04.2015. godine**

Poštovani,

U vezi Vaših zahtjeva gore navedenih brojeva, a u vezi sa Zaključkom Skupštine Kantona Sarajevo (01-05-2901-1/15 od 23.3.2015.) kojim tražite da Ured za reviziju institucija u FBiH neophodno postupi po istom i izvrši kontrolu i reviziju učinka i dostavi Vam izvještaj o izvršenoj reviziji za:

1. KJP „Sarajevo-šume“ d.o.o. Sarajevo
2. KJP „ZOI 84“ OCS d.o.o.Sarajevo
3. KJP Centar „Skenderija“ d.o.o. Sarajevo
4. KJP „Poljoprivredno dobro Butmir“ d.o.o. Sarajevo
5. KJP „Veterinarska stanica“ d.o.o. Sarajevo

*obavještavamo Vas o slijedećem:*


- 1) Ured za reviziju institucija u Federaciji Bosne i Hercegovine donio je Plan i program rada Ureda za reviziju institucija u FBiH za 2015. godinu i pomenutim Planom nije predvidio „kontrola i revizije učinka“ navedenih javnih preduzeća.
- 2) Revizija učinka je revizija koja se razlikuje od finansijske revizije u mnogo čemu, a posebno u obimu njenog istraživanja i vremenskom trajanju. Ne radi se na godišnjem nivou (obuhvat revizije je više godina) i za potrebe njenog istraživanja uključen je veći broj subjekata koji imaju bilo kakvih dodirnih tačaka sa predmetom, odnosno temom istraživanja, tako da se ista ne provodi pojedinačno za samo jedno javno preduzeće, a također istovremeno ne revidira efikasnost, ekonomičnost i efektivnost, nego jedan od ova tri elementa, zavisno od usvojene oblasti koja će se revidirati i metodologije koja će se primijeniti u procesu revizije. Sve se prethodno utvrdi prije otpočinjanja revizije u tzv. predstudijskim istraživanjima, a onda se na osnovu izvodivosti i svrsishodnosti provođenja revizije donosi Plan (sa svim drugim determinantama (indikacija, dizajn, opis, revizijski problem, obim, hipoteze, kriteriji, budžet, resursi itd.) kojim otpočinje proces glavne studije (revizije).

- 3) Za Vašu informaciju, a cijeneći i uvažavajući Vaše razloge za upućivanjem Zahtjeva za obavljanje revizije također Vas obavještavamo da Ured za reviziju institucija u FBiH, u skladu sa Zakonom o reviziji institucija u FBiH („Službene novine FBiH“, broj 22/06), **ima obavezu svake godine izvršiti zakonom utvrđene finansijske revizije**, a preostale revizije (koje nisu obavezne za svaku godinu) utvrđuje Planom revizija, a na osnovu usvojenih kriterija. Zbog gorućeg nedostatka ljudskih i finansijskih resursa, Ured za reviziju nije u mogućnosti izvršiti više revizija nego je to utvrđeno Godišnjim planom i programom rada.
- 4) Sve druge revizije, koje nisu utvrđene Planom i programom rada Ureda za reviziju spadaju u specijalne revizije, čije provođenje je regulisano članom 18. Zakona o reviziji institucija u Federaciji Bosne i Hercegovine. Naime, pomenutim članom je utvrđeno da Parlament Federacije Bosne i Hercegovine ili Parlamentarna komisija odgovorna za reviziju mogu zahtijevati da Ured za reviziju izvrši specijalnu (posebnu) reviziju. Za zahtjeve o posebnim revizijama Komisija odgovorna za reviziju, obavezna je Uredu za reviziju osigurati posebna budžetska sredstva.
- 5) Također, članom 4. Zakona o reviziji institucija u FBiH, uređeno je da je Ured za reviziju, u vršenju svojih dužnosti i nadležnosti neovisan i ne podliježe upravljanju i kontroli bilo koje druge osobe ili institucije, ako Zakonom nije drugačije uređeno, a nije, što znači da je Ured za reviziju institucija u FBiH za svoj rad isključivo odgovaran Parlamentu Federacije BiH, odnosno Parlamentarnoj komisiji odgovornoj za reviziju i nema obavezu neophodno postupati po zahtjevu kantonalnih skupština.

S poštovanjem,

ZAMJENIK  
GENERALNOG REVIZORA

Branko Kolobarić, dipl.oec.



GENERALNI REVIZOR

Dr.sc. Ibrahim Okanović, dipl.oec.



Na osnovu člana 120. Poslovnika Skupštine Kantona Sarajevo ("Službene novine Kantona Sarajevo", -Drugi novi prečišćen tekst 41/12, 15/13 i 47/13), Skupština Kantona Sarajevo, na sjednici održanoj dana 23.03.2015. godine, na prijedlog Kluba zastupnika Demokratske fronte u Skupštini Kantona Sarajevo, donijela je sljedeći

## ZAKLJUČAK

Zadužuje se Vlada Kantona Sarajevo da bez odlaganja poduzme sve potrebne aktivnosti i uputi zahtjev Uredu za reviziju institucija F BiH da izvrši kontrolu i uradi reviziju učinka u javnim preduzećima, čiji je osnivač Kanton Sarajevo.

-U prilogu:zaključak

Broj:01-05-2901-1/15  
23.03.2015.godine  
SARAJEVO

PREDSJEDAVAJUĆI  
SKUPŠTINE KANTONA SARAJEVO

Sejo Bukva





## KLUB ZASTUPNIKA U SKUPŠTINI KANTONA SARAJEVO

Na osnovu člana 117. i člana 120. Poslovnika Skupštine Kantona Sarajevo – Drugi novi prečišćeni tekst ("Službene novine Kantona Sarajevo" br. 41/12), Klub zastupnika Demokratske fronte u Skupštini Kantona Sarajevo predlaže Skupštini Kantona Sarajevo da donese sljedeći

### Z A K L J U Č A K

Skupština Kantona Sarajevo zadužuje Vladu Kantona Sarajevo da bez odlaganja poduzme sve potrebne aktivnosti i uputi zahtjev Uredu za reviziju institucija u FBiH da izvrši kontrolu i uradi reviziju učinka u javnim preduzećima čiji je osnivač Kanton Sarajevo.

### O B R A Z L O Ž E N J E :

Generalno povjerenje javnosti u zakonito, odgovorno, efikasno i efektivno korištenje resursa moguće je osigurati kroz provođenje revizije koja ima za cilj prikazati nezavisna mišljenja o izvršenju budžeta i finansijskim izvještajima, korištenju resursa i upravljanja državnom imovinom od Vlade, javnih institucija i javnih preduzeća u Kantonu Sarajevo. Navedeno svakako doprinosi pouzdanom obavještavanju o korištenju budžetskih sredstava, transparentnom i kvalitetnom upravljanju javnim prihodima, troškovima i imovinom u Kantonu Sarajevo.

Kako bismo, na putu reformi u Kantonu Sarajevo, stekli povjerenje javnosti neophodno je izvršiti reviziju učinaka poslovanja svih javnih preduzeća, u skladu sa međunarodno priznatim standardima revizije. Ured za reviziju institucija u Federaciji Bosne i Hercegovine treba da ustanovi da li se potrošnja javnih resursa i ispunjenje mandata, sprovodi u skladu sa zakonom i u skladu sa uspostavljenim računovodstvenim principima, kao i principima ekonomičnosti, efikasnosti i efektivnosti.

Navedeni proces će doprinijeti i poboljšanju odgovornosti prema građanima. Kroz nezavisnu analizu trenutnog stanja i predviđenih potreba će utvrditi da li građani Kantona Sarajevo za utvrđenu cijenu dobiju adekvatnu uslugu.

Obzirom na ograničene kapacitete Ureda za reviziju, Vlada KS će u dogovoru sa rukovodstvom Ureda utvrditi dinamiku izvršenja ovog zaključka i o istom kao i o rezultatima revizije, informisati Skupštinu KS.

Sarajevo, 23. mart 2015. godine

Predsjednik kluba  
Mirsad Pindžo